

Richenella Croes – Wever a keda anuncia manera candidato nobo pa partido POR



Diamars atardi e partido Pueblo Orguyoso y Respeta (POR) a anuncia candidatura di Richenella Croes – Wever den presencia di amistadnan, famianan y miembronan di POR. Sra. Croes – Wever a studia ‘political science’ y pa prome biaha ta haya e oportunidad di ta envolvi den e ramo cu e la studia pe.

Den e ramo di politica no ta mucho biaha bo ta haya e

oportunidad di reconoce y haya un persona cu a studia “political science” pa uni na un team. Sigur no un persona di e caliber y calidad di persona cu Richenella ta, kende mi a siña conoce hunto cu su casa.

Na momento cu a combersa y a conoce e interesnan cu Richenella tin pa eherce locual cu el a studia y specialisa den dje, mi a haya sa di su interes pa traha pa pueblo y pa su comunidad,” lider di POR Otmar Oduber a trece

pa dilanti.

Durante e conferencia prensa, Sra. Croes – Wever ta splica cu e generacion cu e ta pertenece na dje a perde e confiansa den politiconan. E ta bisa cu e kier ta e diferencia pa trece e confiansa bek y duna politica e confiansa cu e merece di tin. Segun e politico cu structura, compasion y cu hopi amor pa Aruba nos sigur POR.

“E interes den politica semper tabata tey desde cu mi tabata bayendo Colegio Arubano caba. Esaki bo por mira refleha claramente den locual cu mi a studia y a termina. Mayoria persona cu studia ciencia di politica ta gusta of prefera di tin un funcion na unda cu ta acesora y duna conseho ‘tras di cortina’. Sinembargo desde cu mi a wordo acerca pa partido POR mi a cuminsa consulta cu famianan y amistadnan anto mi a bin tuma e decision pa purba eherce locual cu mi a studia pe y haci e miho posibel pa brinda tur locual cu ami tin, pa Aruba.”